



SLUŽBENE NOVINE

KANTONA SARAJEVO

Ministarstvo za boračka pitanja

Na osnovu člana 34. Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", broj 9/07 - Prečišteni tekst, 7/08 i 33/08) i člana 17. stav (2) Uredbe o načinu i uvjetima rješavanja stambenih potreba boraca - branitelja Bosne i Hercegovine ("Službene novine Kantona Sarajevo", broj 31/07), ministar za boračka pitanja Kantona Sarajevo donosi

PRAVILNIK

O IZMJENAMA I DOPUNAMA PRAVILNIKA ZA UTVRĐIVANJE PRAVA NA JEDNOKRATNU BESPOVRATNU DODJELU SREDSTAVA ZA RJEŠAVANJE STAMBENIH POTREBA

Član 1.

U Pravilniku za utvrđivanje prava na jednokratnu bespovratnu dodjelu sredstava za rješavanje stambenih potreba ("Službene novine Kantona Sarajevo", broj 36/07), u članu 17. stav (1) iza riječi: "tačka a)" dodaju se riječi: " i d)".

Član 2.

U članu 17. stav (2) postaje stav (3), a dodaje se novi stav (2) i glasi:

"(2) Prilikom ostvarivanja prava na dodjelu sredstava putem udruženja sredstava za kupovinu stambene jedinice, od strane dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja osim bodovanja po kriterijima iz čl. 11., 12. i 13. izuzev po tački a) i d) stav (1) člana 11. ovog Pravilnika, bodovanje se vrši i prema vrsti dodijeljenog ratnog priznanja i odlikovanja i to:

- a) Dobitnici ratnog priznanja i odlikovanja iz stava (3) člana 5. Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", br. 70/05 i 61/06) (u daljnjem tekstu: Zakon o posebnim pravima) 50 bodova
- b) Dobitnici ratnog priznanja i odlikovanja iz stava (4) člana 5. Zakona o posebnim pravima 25 bodova
- c) Dobitnici ratnog priznanja i odlikovanja iz stava (5) člana 5. Zakona o posebnim pravima 10 bodova".

Član 3.

Ovaj Pravilnik stupa na snagu danom objave u "Službenim novinama Kantona Sarajevo".